

¶ Vomitivus non est; Salia enim plerumque habent vim diaphoreticam, & diureticam; quamvis interdum quoque per secessum deturbandi vires possideant.

Notandum autem primò: nullum prædictorum principiorum simplex atque solidum, quod de reliquis non participet, reperiri. Mercurius enim continet substantiam sulphuream atque salinam; Sulphur substantiam salinam & mercurialem; Sal verò substantiam oleaginosam & mercurialem. Deinde observandum etiam est: quod in Spagyrica mistorum ἀναστοιχειώσθ, præter priora tria commemorata principia verè activa, duo alia resultent corpora, quæ principiorum numero à Chymicis non adscribuntur: quòd illorum tantùm sint quasi integumenta, omniq̄e δυνάμει Hippocraticâ destituta; quorum alterum siccum, Terra arenosa est, sive cinis elotus; vocaturq̄e Terra damnata, & caput mortuum, nullâ vi aliâ præditum, nisi siccante & emplasticâ, quodq̄e facili negotio in vitrum abit: alterum humidum, & accidentaliter aëreum, nempe phlegma insipidum & inodorum, quodq̄e tantùm humectat, citra ullam aliam ἐνεργεσίαν aut activitatem medicam.

Nullum

principiū.

planè sim-

plex est.

Caput

mortuum

& phleg-

ma nō sunt

principia.

CAP.